

Fundargerð 375. fundar

stjórnar Hafnasambands Íslands

Árið 2015, föstudaginn 22. maí kl. 12:15 kom stjórn Hafnasambands Íslands saman til fundar á Sauðárkróki.

Fundinn sátu: Gísli Gíslason, Guðný Sverrisdóttir, Már Sveinbjörnsson, Steinþór Pétursson, Ólafur Þór Snorrason, Ásta Björg Pálmadóttir og Björn Arnaldsson.

Að auki sat fundinn: Valur Rafn Halldórsson fundarritari.

Fundargerðin var færð í tölvu.

Þetta var tekið fyrir:

1. Stjórnarfundir Hafnasambands Íslands 2015 - 1501031HA

Lögð fram til staðfestingar fundargerð 374. fundar frá 10. apríl sl.

Fundargerðin samþykkt og staðfest með undirskrift stjórnarmanna.

2. Úttekt á réttarstöðu hafna í tryggingarmálum - 1502027HA

Lagt fram minnisblað frá LEX þar sem fjallað er um tryggingamál hafna.

Til kynningar. Starfsmanni falið að fá lokaútgáfu frá LEX og senda á aðildarhafnir.

3. Framlög til framkvæmda í höfnum - 1505033HA

Rætt um framlög til framkvæmda í höfnum í framhaldi af fundi með innanríkisráðherra.

Formaður sagði frá fundi sem hluti af stjórn hafnasambandsins átti með innanríkisráðherra þann 10. apríl sl. Á fundinum var rætt um framlög ríkisins til framkvæmda í höfnum.

Hafnasamband Íslands skorar á ráðherra og umhverfis- og samgöngunefnd að auka fjármagn til framkvæmda í höfnum. Fjölmargar hafnir eru komnar í viðhaldspörf og mikilvægt er að í samgönguáætlun og fjárlögum næstu ára verði tryggt fjármagn til framkvæmda til að tryggja öryggi sjófarenda. Nauðsynlegt er að það liggi fyrir mat á forgangs röðun verkefna sem verði unnið í samstarfi við hafnirnar. Stjórn Hafnasambands Íslands telur einnig að aukin gjöld á útgerðir í gegnum veiðigjöldin eigi að renna að hluta til, til hafnarsjóðanna svo hægt sé að viðhalda þeim innviðum sem eru mikilvægir svo útgerð geti haldið áfram að blómstra.

4. Verkföll og áhrif á hafnir - 1505034HA

Rætt um röskun á komu skipa vegna verkfalla.

Til kynningar.

5. Vigtun sjávarafla - 0901002HA

Breyting á vigtarmálum.

Má falið að leggja fram endanlega útgáfu af minnisblaði. Síðan verði það sent til ráðuneytisins.

6. Úrgangur frá skipum - 1502021HA

Lagður fram til kynningar tölvupóstur frá Umhverfisstofnun, dags. 27. apríl 2015, þar sem farið var yfir á hvaða forsendum réttmætt væri að lækka gjald fyrir móttöku á úrgangi frá skipum. Þessu leiðbeinandi álitum Umhverfisstofnunar hefur nú þegar verið komið á framfæri við aðildarhafnir.

Til kynningar.

Fundi var slitið kl. 13:15

Gísli Gíslason

Guðný Sverrisdóttir

Már Sveinbjörnsson

Steinþór Pétursson

Ólafur Þór Snorrason

Ásta Björg Pálmadóttir

Björn Arnaldsson

Valur Rafn Halldórsson